

अ॒र्का॒श्वमे॒धावे॒वावरु॑न्धे । अ॒थो अ॒र्का॒श्वमे॒धयो॑रे॒व प्र॒ति-
ति॒ष्ठति ॥ ३ ॥

नाम॑ करोति॒ सूर्यो॑ऽग्ने॒र्योनिरा॑यत॒नं च॒त्वारि॑ च ॥
अनु० २१ ॥

द्वाविंशोऽनुवाकः ।

पु॒जाप॑तिं॒ वै दे॒वाः पि॒तर॑म् । प॒शुं भू॒तं मे॒धाया॑ल-
भन्त । तमा॒लभ्यो॑पावसन् । पू॒तय॑ष्टा॒स्मह॒ इति॑ । एकं
वा ए॒तद्दे॒वाना॑म॒हः । यत्सं॑वत्स॒रः । तस्मा॑द॒श्वः पु॒रस्ता॑त्
सं॒वत्स॒र आ॒लभ्य॑ते । यत्प्र॒जाप॑ति॒राल॒ब्धोऽश्वो॑ऽभवत् ।
तस्मा॑द॒श्वः । यत्स॒द्यो मे॒धोऽभवत् ॥ १ ॥

तस्मा॑द॒श्वमे॒धः । वेदु॑कोऽश्व॒माशुं॑ भवति । य ए॒वं
वेद॑ । यद्वैतत्प्र॒जाप॑ति॒राल॒ब्धोऽश्वो॑ऽभवत् । तस्मा॑द॒श्वः
पु॒जाप॑तेः प॒शूना॑मनु॒रूप॑तमः । आ॒स्य पु॒त्रः प्र॒तिरू॑पो
जायते । य ए॒वं वेद॑ । स॒र्व्वाणि॑ भू॒तानि॑ स॒म्भृत्या॑ल॒भते॑ ।
समे॑नं दे॒वास्तेज॑से ब्रह्मवर्च॒साय॑ भरन्ति । योऽश्वमे॒धेन॑
यज॑ते ॥ २ ॥

य उ॒चेन॑मे॒वं वेद॑ । ए॒तद्वै तद्दे॒वा ए॒तां दे॒वता॑म् ।
प॒शुं भू॒तं मे॒धाया॑ल॒भन्त॑ । य॒ज्ञमे॒व । य॒ज्ञेन॑ य॒ज्ञम॑यजन्त
दे॒वाः । का॒मप्रं॑ य॒ज्ञम॑कुर्वन्त । तेऽमृत॒त्वम॑कामयन्त ।